

Na osnovu člana 5. i 29. Zakona o Vladi Tuzlanskog kantona ("Službene novine Tuzlanskog kantona", br. 17/00, 1/05 i 11/06), člana 5. tačke g) Zakona o zaštiti ljudi i materijalnih dobara od prirodnih i drugih nesreća u Tuzlanskom kantonu („Službene novine Tuzlanskog kantona“, broj: 10/08) i člana 31. stav 2. tačke 2. i 32. Pravilnika o načinu rada i funkcionisanju štabova i povjerenika CZ („Službene novine Federacije Bosne i Hercegovine“, broj: 77/06 i 5/07), na prijedlog Kantonalnog štaba civilne zaštite, Vlada Tuzlanskog kantona na sjednici održanoj dana 02.06.2010. godine, d o n o s i

O D L U K U

o proglašenju stanja prirodne nesreće zbog poplava i klizanja tla na području Tuzlanskog kantona

I

Proglašava se stanje prirodne nesreće zbog poplava i klizišta na području Tuzlanskog kantona sa danom 02.06.2010. godine u 13,00 sati.

II

Daje se nalog Kantonalnom štabu civilne zaštite da rukovodi akcijom zaštite i spašavanja na području Tuzlanskog kantona, odnosno da koristi ovlaštenja navedena u članu 21. Zakona o zaštiti i spašavanju ljudi i materijalnih dobara od prirodnih i drugih nesreća u Tuzlanskom kantonu od dana proglašenja stanja prirodne nesreće, pa do momenta donošenja odluke o prestanku tog stanja.

Kantonalni štab civilne zaštite će, u skladu sa potrebama, angažovati u akcijama zaštite i spašavanja: kantonalna ministarstva i uprave, direkcije, javna preduzeća, javne ustanove, zavode, općinske štabove i strukture civilne zaštite u općinama, privredna društva, kao i druge institucije (fakultete, institute i druge).

III

Sredstva za provođenje akcije zaštite i spašavanja obezbijedit će se iz redovnih budžetskih sredstava Tuzlanskog kantona i iz sredstava posebne naknade sa pozicije „Budžetska organizacija 26010001“, namjenska sredstva sa podračuna iz tekućeg priliva, donatorskih i drugih sredstava.

IV

Kantonalni štab civilne zaštite dužan je o preduzetim mjerama redovno izvještavati Vladu kantona i druge organe, u skladu sa zakonom.

V

Ova odluka stupa na snagu odmah, traje dok se ne utvrdi prestanak trajanja prirodne nesreće zbog poplava i klizišta na području Tuzlanskog kantona i objaviće se u „Sužbenim novinama Tuzlanskog kantona“ i sredstvima javnog informisanja

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

PREMIJER KANTONA

mr. sc. Enes Mujić

Broj: 02/1-
Tuzla, 02.06.2010. godine